

# Te Kaupapa Āwhina Whānau

**Ko te whāinga a te Kaupapa Āwhina Whānau a te Kāwanatanga he whakapai ake i ngā moni whiwhi iti, wawaenga hoki a ngā whānau whai tamariki. I mana ngā rerekētanga mai i te 1 o Hōngongoi. Anei ētahi taipitopito:**

## Utunga Pūngao Takurua

Ka āwhina te Utunga Pūngao Takurua hou i te hunga pakeke ake me te hunga whiwhi takuhe hei whakamahana i ō rātau kāinga i te takurua. Ka utua e mātau mai i te 1 o Hōngongoi ki te 29 o Mahuru i tēnei tau, ā, atu i te 1 o Haratua ki te 1 o Whiringa-ā-nuku hei te 2019, ā, haere ake. Ka whiwhi i te hunga noho takitahi he \$20.46 i te wiki, ā, ko ngā tokorua, te hunga rānei he whai tamariki ka whiwhi i te \$31.82. Ko te hunga e āhei ana ka whiwhi noa i te Utunga Pūngao Takurua.

## Tīmatanga Pai Rawa

He utunga Tīmatanga Pai Rawa hou hei āwhina i ngā whānau katoa o Aotearoa he whai tamaiti i whānau mai (ka whānau mai rānei) hei te 1 o Hōngongoi 2018, i muri mai rānei. Ka whiwhi ngā whānau i te \$60.00 i te wiki mō ia tamaiti kia eke ia ki te kotahi, ā, he toru tau hoki mō ngā whānau he iti ngā moni whiwhi.

## Ngā Whiwhinga Tāke Āwhina Whānau

I piki Ngā Whiwhinga Tāke Āwhina Whānau mai i te 1 o Hōngongoi 2018. Ka piki te utu o te tamaiti pakeke ki te \$113.00 i te wiki, ā, ka piki te utu mō ētahi atu tamariki ki te \$91.25 i te wiki.

Nā ngā rerekētanga ki Ngā Whiwhinga Tāke Whānau ka piki ngā moni whiwhi a ngā tāngata. Ka whai pānga pea tēnei ki ētahi atu utunga pērā i te Āwhina ā-Whare, Tautoko Tāpiri Rangitahi rānei, te Rēti ā-Moni Whiwhi rānei.

## Te Takuhe Pani, Takuhe Matuakore rānei

I whiwhi moni tāpiri anō te hunga e whiwhi ana i te Takuhe Pani, Takuhe Matuakore rānei mā ngā tamariki e tiakina ana, ā, ka whiwhi i te Utu Tāpui Kākahu hou mō ia tamaiti e tiakina ana.

## Ētahi atu mōhiohio

Ka heke te whiwhinga a ētahi whānau tino iti i te Kaupapa Āwhina Whānau nā ngā āhuatanga ake e pā ana ki a rātau. Ka utu mātau i tētahi utunga āwhina whakawhiti ki a rātau kia noho ōrite tonu te rahinga e whiwhi ana i a mātau kia rerekē rā anō ngā āhuatanga ki a rātau, atu ki te kotahi tau rānei. Ka mahia noatia ēnei rerekētanga katoa ki ngā utunga a ngā tāngata.

## Te wā e utua ana ngā pikitanga utu

He wāhanga ka utua i te utunga tuatahi o te Hōngongoi. Ko te utunga tuarua ko te katoa. Ko te take ka utua ngā tāngata mō te wiki kua hipa (he rua wiki rānei mō te Penihana). I te mea he wāhanga anake te 1 o Hōngongoi o te wā utunga, kāore ngā tāngata e whiwhi i te rahinga katoa i tā rātau utunga tuatahi o te Hōngongoi.



## Mō ētahi atu mōhiohio



Ngā Kaumātua - **0800 552 002**



Ngā pātai mō te hunga i raro i te 65 tau - **0800 559 009**